

Razgovarajmo o diskriminaciji!

Online predstavljanje izvještaja:

Diskriminacija u Bosni i Hercegovini: percepcija javnosti, stavovi i iskustva

Obraćanje ambasadorice Kathleen Kavalec, šefice Misije OSCE-a u Bosni i Hercegovini

- Poštovane kolege i partneri, dame i gospodo.
- Danas, na **Međunarodni dan eliminacije svih oblika rasne diskriminacije**, Misija OSCE-a u Bosni i Hercegovini digitalnim putem predstavlja izvještaj pod naslovom: *Diskriminacija u Bosni i Hercegovini: percepcija javnosti, stavovi i iskustva*.
- Aktualna globalna pandemija sve nas je primorala da pronademo kreativan način za promoviranje ključnih ciljeva. Za Misiju OSCE-a u BiH, to je značilo da umjesto planirane konferencije sa mnoštvom učesnika organizujemo predstavljanje Izvještaja na online platformi.
- Time se uvažava potreba za održavanjem udaljenosti između pojedinaca u interesu očuvanja zdravlja, a istovremeno se, zahvaljujući modernim sredstvima komuniciranja, prenosi važna informacija.
- Hvala vam što ste nam se danas pridružili na predstavljanju Izvještaja.
- Naša Misija čvrsto je opredijeljena za borbu protiv diskriminacije – pojave koja je po mišljenju građana sveprisutna u BiH, što je pokazalo i naše istraživanje.
- To je ozbiljan problem, jer diskriminacija stoji na putu izgradnje inkluzivnog društva u kojem su ljudi sposobni raditi zajedno na prevladavanju izazova, u interesu svih.
- Jasno je da potreba za ovakvom vrstom široke i sveobuhvatne saradnje nikada nije bila jasnija, nego što je to danas.

- Misija OSCE-a u BiH i dalje igra važnu ulogu i radi sa nadležnim organima i građanima na borbi protiv diskriminacije, u interesu svih građana.
- Još od usvajanja Zakona o zabrani diskriminacije 2009. godine, naša Misija podržavala je brojne inicijative, u cilju jačanja mehanizama borbe protiv diskriminacije.
- Misija OSCE-a u BiH pruža podršku pravosudnim institucijama, Instituciji ombudsmana/ombudsmena za ljudska prava BiH i Ministarstvu za ljudska prava i izbjeglice BiH u ostvarenju njihovog mandata u oblasti borbe protiv diskriminacije.
- Misija je također podržala usvajanje izmjena i dopuna Zakona o zabrani diskriminacije 2016. godine i doprinijela stručnom usavršavanju više od 800 sudija i pravnika na temu međunarodnih i evropskih standarda i mehanizama borbe protiv diskriminacije.
- Među ostalim inicijativama u oblasti borbe protiv diskriminacije svakako je i multimedijalni projekt i kampanja informiranja javnosti pod nazivom: „*Na marginama*“, pokrenuta u cilju borbe protiv stereotipa koji se vežu za romsku zajednicu, te borbe protiv diskriminacije najugroženijih zajednica u BiH.
- Osim toga, svesrdno pomažemo u realizaciji inicijativa vezanih za uspostavu međureligijskog dijaloga i povećanje obima pristupa socijalnim i ekonomskim pravima za ugrožene kategorije stanovništva.
- U cilju izrade ovog Izvještaja, naša Misija provela je istraživanje kako bi stekla jedinstven, aktuelan i detaljan uvid u stavove građana o oblicima i rasprostranjenosti diskriminacije u BiH.
- Na taj način došli smo do jasne, ali zabrinjavajuće slike o aktuelnom stanju u BiH u oblasti diskriminacije.
- Naš Izvještaj pokazuje da gotovo 90% stanovništva smatra da je diskriminacija široko rasprostranjena pojava.

- Utvrđeno je da je diskriminacija često prisutna u oblastima kao što je zapošljavanje, a uz to je uočeno da je diskriminacija ugroženih grupa, kao što su Romi, izrazito rasprostranjena.
- Ovaj Izvještaj pruža odličan osnov za izradu projekata i programa, u cilju borbe protiv diskriminacije, kao i donošenje politika rada zasnovanih na činjenicama, na svim nivoima vlasti.
- Nadamo se da će vam ovaj Izvještaj biti koristan, posebno u ovom presudnom trenutku, te da će doprinijeti pokretanju prijeko potrebne rasprave i ostvarenju pomaka koji će dovesti do promjena.
- Hvala vam svima što ste nam se pridružili na ovom online predavljanju.
- Čuvajte se i čuvajte svoje zdravlje.